

DECRETO

Ilmo. Sr. D. Mauricio Repetto Morbán, Tte. de Alcalde da Área de Dinamización Económica e Relacións Institucionais do Excmo. Concello de Lugo

Instruído expediente relativo á: **CONCESIÓN SUBVENCIÓN NOMINATIVA ORZAMENTO 2025 – ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA (Feira de produtos do campo e artesanía)-**

Antecedentes:

PRIMEIRO.- O artigo 14.2 da Ordenanza Xeral Municipal reguladora da concesión de subvencións do Excmo. Concello de Lugo establece que “poderán concederse de forma directa as subvencións previstas nominativamente no Orzamento Xeral Municipal, de acordo co procedemento regulado nesta ordenanza”. Así na base 24 de execución do Orzamento xeral municipal do Concello de Lugo figura nominativamente a previsión de subvencións.

SEGUNDO.- O establecido na Ordenanza Municipal de Subvencións do Concello de Lugo (BOP número 111 do 18 de maio de 2005), capítulo 2º, procedemento de concesión directa de subvencións previstas nominativamente no orzamento xeral municipal:

“Artigo 15.- Réxime.

1. As subvencións previstas nominativamente no presuposto xeral municipal rexeranse polas bases de execución do presuposto, por este capítulo e demais disposicións desta ordenanza e da Lei 38/2003, xeral de subvencións, do 17 de novembro, que lles son aplicables en canto a requisitos dos beneficiarios, obrigas destes, pagamentos, gastos subvencionables, xustificación da subvención, incumprimento e formas de reintegro, control financeiro, sancións, etc., e polo convenio a través do cal se canalizan, salvo excepcións xustificadas, que establecerán as condicións e os compromisos específicos.

2. O convenio deberá conter necesariamente:

- 1) Definición concreta e expresa do obxecto.*
- 2) Compromisos das partes.*
- 3) Documentación que deberá achegar o beneficiario, se é o caso.*
- 4) Crédito presupostario ó que se imputa a subvención.*
- 5) Gastos que se subvencionan e prazo en que deben realizarse.*
- 6) Posibilidade ou non de subcontratación da actividade subvencionada*
- 7) Posibilidade ou non de efectuar pagamentos á conta e pagamentos anticipados.*
- 8) Tanto por cento do presuposto do proxecto que deberá financiar o beneficiario, ben por financiamento propio ou a través doutras subvencións, cando se contemple esta determinación.*
- 9) Compatibilidade ou incompatibilidade da subvención.*

DESENVOLVEMENTO LOCAL

IVC/ccm

Refº: DECRETO

Asunto: SUBVENCIÓN NOMINATIVA - **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA (Feira de produtos do campo e artesanía)-**

10) *Forma de xustificación, prazo de presentación da correspondente documentación e aspectos que deben incluírse na memoria avaliativa da subvención.*

11) *Prazo de vixencia do convenio, posibilidade de prórroga, e requisitos e condicións para que se produza.*

12) *De ser o caso, especificidades que supoñan excepción ás regras xerais establecidas nesta ordenanza e na Lei 38/2003, xeral de subvencións.*

En ditos termos se pronuncia o artigo 65.3 do Real Decreto 887/2006, de 21 de xullo, que aproba o Regulamento da Lei 38/2003, Xeral de Subvencións.

Artigo 16.- Iniciación.

1. *O procedemento para a súa concesión iniciárase de oficio, e será requisito imprescindible a previsión nominativa específica no presuposto xeral municipal a favor da persoa pública ou privada á que vai destinada a subvención.*

2. *A inclusión na partida orzamentaria no presuposto xeral municipal non crea dereito ningún a favor do beneficiario, ata que non fose adoptada a resolución de concesión, tras o procedemento establecido polo órgano competente. Á súa vez, o feito de que nun exercicio orzamentario estea consignada unha subvención non xera expectativas de dereito en futuras anualidades.*

3. *A iniciación realizarase mediante a proposta da unidade administrativa xestora.*

Artigo 17.- Instrución.

1. *A unidade administrativa xestora realizará de oficio todas as actuacións que estime necesarias para a determinación, coñecemento e comprobación dos datos, en virtude dos cales deba ditarse a proposta de resolución. As unidades xestoras dispoñen de modelos de requirimento de documentación a presentar polas diferentes beneficiarias.*

2. *As actividades de instrución comprenderán necesariamente:*

1) *Inclusión no procedemento do documento contable de retención do gasto polo importe máximo especificado nas bases de execución do presuposto."*

A fase de instrución estará composta así mesmo por: informe-proposta da unidade xestora que inclúa, unha vez comprobado; proxecto presentado polo representante legal da asociación, xunto co compromiso de destinar a subvención a financiación parcial das actividades propias do beneficiario. A personalidade xurídica da asociación ou entidade solicitante. Na copia dos estatutos deba figurar o selo xustificativo da inscrición no rexistro público correspondente. Declaración responsable de non atoparse inhabilitado ou estar incurso en prohibición para acceder a condición de beneficiario de subvencións. Certificación expedida pola Axencia Estatal da Administración Tributaria, da Tesourería Xeral da Seguridade Social e da Tesourería Municipal de atoparse ao corrente no cumprimento das súas obrigas tributarias e de Seguridade Social. Cando o importe da subvención non exceda de 3.000€, non será necesario aportar certificacións, será suficiente coa declaración xurada. Declaración xurada das subvencións ou axudas solicitadas ou percibidas por parte doutras entidades publicas ou privadas, nacionais ou

estranxeiras, para o financiamento da actividade para a que se solicita a subvención. Certificación bancaria que acredite o número da conta bancaria da que a asociación é titular, orzamento de ingresos e gastos, aos efectos de comprobar que non existe sobrefinanciamento, calquera outra que estime a unidade xestora conforme a normativa vixente.

Unha vez comprobada toda esta documentación, se a unidade xestora considera que o beneficiario reúne todos os requisitos para acceder a subvención realizará proposta de aprobación da concesión de subvención e de aprobación do texto do convenio.

O dito informe proposta será remitido pola unidade xestora ós seguintes servizos:

- I. Servizo de Fomento*
- II. Servizo de Asesoría Xurídica*
- III. Servizo de Intervención*

Os ditos informes serán preceptivos e vinculantes emitíndose Proposta de resolución da unidade administrativa xestora competente, na que se conterá o texto do convenio e na que se recollan as consideracións postas de manifesto por ditos servizos.

Unha vez completada a instrución, someterase a proposta de resolución ao órgano competente para a súa aprobación, neste caso á Xunta de Goberno Local, en virtude das atribucións que lle corresponden segundo Acordo no 40/607, de 26 de xullo de 2023, a resolución da proposta comprenderá a concesión, se é o caso, da subvención e a aprobación do texto do convenio a través do cal se articula”.

Tendo en conta:

- que no orzamento xeral municipal do ano 2025 (base de execución 24) figura a previsión de subvención nominativa a **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA**, para a celebración da Feira de produtos do campo e artesanía, por importe de 2.000 euros. Do mesmo xeito, no Plan Estratéxico de Subvencións 20203-2025 do Excmo. Concello de Lugo, e en concreto, para a anualidade 2025, figura a previsión de dita subvención.
- que A Feira de Produtos do Campo e Artesanía que se celebra no barrio da Milagrosa, Lugo, consolidouse como unha cita anual de referencia para os produtores locais, artesáns e veciños do municipio. Pola feira pasan máis de 2.000 persoas, que gozan de actuacións musicais, degustacións gastronómicas de produtos do barrio gratúitas e artesanía en vivo. Estas degustacións gastronómicas gratúitas, realízanse en sábado e domingo e tratan de promocionar os produtos do barrio e estimular a asistencia de público á feira. Esta cita naceu para render homenaxe ás orixes rurais das e dos residentes no barrio. O seu obxectivo principal é promover os produtos

DESENVOLVEMENTO LOCAL

IVC/ccm

Refº: DECRETO

Asunto: SUBVENCIÓN NOMINATIVA - **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA (Feira de produtos do campo e artesanía)-**

autóctonos, a economía circular, o comercio de proximidade e o valor da artesanía tradicional galega.

- Que o obxectivo específico e final desta subvención é a realización dunha Feira de produtos do campo e artesanía, que ofrece aos artesáns un escaparate para mostrar os seus produtos, o que contribúe á economía local e fomenta o emprendemento na zona. Ademáis, a Feira pode atraer turistas ou visitantes doutras zonas, o que beneficiará ao comercio e servizos locais. A implicación da asociación de veciños na organización da feira mostra o interese da comunidade local en crear eventos que fortalezcan a súa identidade. O apoio ao proxecto resalta o compromiso social e a implicación dos cidadáns no seu propio desenvolvemento.
- que con data 25 de xuño de 2025, a entidade presentou por Rexistro Xeral do Concello a documentación requirida para a instrución do procedemento:

1º Memoria presentada polo representante legal da asociación.

2º A personalidade xurídica da asociación (CIF e estatutos). Na copia dos estatutos deberá figurar o selo xustificativo da inscrición no rexistro público correspondente.

3º Declaración responsable de non atoparse inhabilitado ou estar incurso en prohibición para acceder a condición de beneficiario de subvencións.

4º Certificacións expedidas pola Axencia Estatal da Administración Tributaria e da Tesourería Xeral da Seguridade Social de atoparse ao corrente no cumprimento das súas obrigas tributarias e de Seguridade Social.

5º Declaración xurada das subvencións ou axudas solicitadas ou percibidas por parte doutras entidades públicas ou privadas, nacionais ou estranxeiras, para o financiamento da actividade para a que se solicita a subvención.

6º Certificación bancaria que acredite o número da conta bancario da que a asociación e titular.

7º Orzamento de ingresos e gastos da actuación a realizar, aos efectos de comprobar que non existe sobrefinanciamento.

- Documento contable de retención de crédito de data 10/06/2025 (Nº operación.- 202500037726) na aplicación orzamentaria 24100.48900, por importe de 2.000€.

MOTIVACIÓN OBXECTIVA PARA OBVIAR O PROCEDEMENTO EN RÉXIME DE CONCORRENCIA COMPETITIVA:

Ao tratarse dunha **subvención nominativa**, esta xa aparece expresamente recollida nos ornamentos do Concello, identificando:

- **O beneficiario concreto** (A asociación de veciños, comerciantes e industriais distrito da Milagrosa).
- **O obxecto específico da subvención** (organización dunha feira de produtos autóctonos e de artesanía).

Esta natureza **xa implica unha excepción á concorrència competitiva**, segundo o artigo 22.2.a) da Lei 38/2003, Xeral de Subvencións (LXS).

Singularidade e carácter non xeneralizable da actuación:

A feira é un evento **de carácter local, tradicional ou consolidado**, promovido historicamente por esta asociación, con elementos que a fan **intransferible ou difícilmente replicable**:

- **Organización recorrente**: A asociación xa organizou edicións anteriores con éxito, é a **entidade encontrase lexitimada socialmente** para continuar co proxecto.
- **Implantación no territorio**: É unha entidade **arraigada no lugar**, con coñecemento do tecido produtivo, das dinámicas veciñais e dos produtores locais.
- **Coordinación comunitaria**: Ten capacidade para mobilizar recursos locais (voluntariado, colaboración con produtores e artesáns, etc.) que difícilmente podería asumir outra entidade allea.

Interese público, social e económico:

O proxecto pode encadrarse dentro de obxectivos de interese xeral:

- **Promoción dos produtos locais e artesáns**, favorecendo o desenvolvemento rural e a economía sostible.
- **Dinamización económica e turística** da zona, xerando movemento comercial para pequenos produtores e establecementos locais.
- **Reforzo da identidade cultural e comunitaria**, ao poñer en valor tradicións, oficios e saberes populares.

DESENVOLVEMENTO LOCAL

IVC/ccm

Refº: DECRETO

Asunto: SUBVENCIÓN NOMINATIVA - **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA** (*Feira de produtos do campo e artesanía*)-

Isto encaixa perfectamente co artigo 22.2.c) da LXS, que permite subvencións directas cando existan **razóns de interese público, social, económico ou outras debidamente xustificadas**.

Imposibilidade ou inutilidade da concurrencia:

A concurrencia competitiva **non é necesaria nin útil nestes casos**, porque:

- A **proposta non é facilmente replicable** por outras entidades.
- A existencia dunha entidade local consolidada **garante a eficacia da actuación** e evita duplicidades ou conflitos de competencias.
- A convocatoria pública podería incluso **ralentizar o proceso**, sen achegar beneficios reais en termos de transparencia ou eficiencia.

Creemos polo tanto que a concesión directa desta subvención nominativa á asociación referida para organizar unha feira de produtos autóctonos e de artesanía está xustificada pola:

1. **Previsión nominativa nos orzamentos.**
2. **Singularidade do proxecto e da entidade organizadora.**
3. **Interese público e impacto económico e social.**
4. **Inadecuación do procedemento competitivo para este tipo de actuacións.**

En consecuencia e unha vez comprobada toda a documentación presentada, dende esta unidade administrativa considérase que o beneficiario reúne todos os requisitos para acceder a esta subvención, polo que propónse a aprobación do Convenio de colaboración entre o Concello de Lugo e a **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA**. En canto ó órgano municipal competente para aprobar o expediente de acordo coas atribucións conferidas segundo o artigo 127 da Lei 7/85, de 2 de abril, reguladora das bases de réxime local, á Xunta de Goberno Local correspóndelle “a aprobación de bases (autorización do gasto) nos expedientes de subvencións tramitadas en réxime de concurrencia competitiva e convenios reguladores das subvencións nominativas e aprobación do Plan Estratéxico de Subvencións.”

Visto o informe do Servizo de Fomento de data 23 de xullo de 2025.

Visto o informe da Asesoría Xurídica de data 30 de xullo de 2025.

Vista a consignación de crédito do Servizo de Tesorería, RC Nº 202500037726, por importe de 2.000 euros.

Visto o Informe favorable da Intervención municipal (nº 2025/1636), de fiscalización limitada previa, de data 27 de outubro de 2025.

Por todo o anteriormente exposto, en virtude das atribucións delegadas pola Alcaldía segundo o seu Decreto número 2730/2025 do 19 de marzo, do Libro Único de Resolucións,

RESOLVO:

PRIMEIRO.- Aprobar a autorización e disposición do gasto, dunha subvención nominativa, por importe de 2.000€ a favor da **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA** - CIF G27159110, e con cargo á aplicación orzamentaria 24100.48900 do vixente presuposto municipal (RC Nº operación 202500037726, 2.000 euros).

SEGUNDO.- Aprobar o texto do convenio regulador da dita subvención nominativa:

CONVENIO DE COLABORACIÓN ENTRE O EXCMO. CONCELLO DE LUGO E A ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA, PARA A CONCESIÓN DE SUBVENCIÓN COA FINALIDADE DE FINANCIAR A ACTIVIDADE: "FEIRA DE PRODUTOS DO CAMPO E ARTESANIA" DURANTE O EXERCICIO 2025

Lugo, data e sinatura electrónica á marxe

REUNIDOS

Dunha banda o Excmo. Sr. Alcalde, D. Miguel Fernández Méndez, actuando en nome e representación do Concello de Lugo.

*E doutra banda D. Jesús Vázquez Varela, na súa calidade de representante legal da **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA** (CIF G27159110).*

Interveñen en función dos seus respectivos cargos e, no exercicio das facultades que para convir en nome das entidades que representan teñen conferidas.

MANIFESTAN

I.- Que o Concello de Lugo, de acordo co previsto na Lei 38/2003, de 17 de novembro, xeral de subvencións na Lei 9/2007, do 13 de xuño, de subvencións de Galicia, e na Ordenanza Xeral Municipal reguladora da concesión de subvencións pode conceder de forma directa as subvencións previstas nominativamente no Orzamento xeral municipal.

DESENVOLVEMENTO LOCAL

IVC/ccm

Refº: DECRETO

Asunto: SUBVENCIÓN NOMINATIVA - **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA** (Feira de produtos do campo e artesanía)-

II.- Que na lexislación básica do Estado de réxime local (artigos. 25, 26 e 27 da Lei 7/1985, de 2 de abril, Reguladora das Bases de Réxime Local), establece competencias para os Concellos nas seguintes materias:

“Artículo 25.

1. El Municipio, para la gestión de sus intereses y en el ámbito de sus competencias, puede promover actividades y prestar los servicios públicos que contribuyan a satisfacer las necesidades y aspiraciones de la comunidad vecinal en los términos previstos en este artículo.

2. El Municipio ejercerá en todo caso como competencias propias, en los términos de la legislación del Estado y de las Comunidades Autónomas, en las siguientes materias:

....

b) Medio ambiente urbano: en particular, parques y jardines públicos, gestión de los residuos sólidos urbanos y protección contra la contaminación acústica, lumínica y atmosférica en las zonas urbanas.

...e) Evaluación e información de situaciones de necesidad social y la atención inmediata a personas en situación o riesgo de exclusión social.

f) Policía local, protección civil, prevención y extinción de incendios.

...

h) Información y promoción de la actividad turística de interés y ámbito local.

i) Ferias, abastos, mercados, lonjas y comercio ambulante.

...

l) Promoción del deporte e instalaciones deportivas y de ocupación del tiempo libre.

m) Promoción de la cultura y equipamientos culturales.

n) Participar en la vigilancia del cumplimiento de la escolaridad obligatoria y cooperar con las Administraciones educativas correspondientes en la obtención de los solares necesarios para la construcción de nuevos centros docentes. La conservación, mantenimiento y vigilancia de los edificios de titularidad local destinados a centros públicos de educación infantil, de educación primaria o de educación especial.

ñ) Promoción en su término municipal de la participación de los ciudadanos en el uso eficiente y sostenible de las tecnologías de la información y las comunicaciones.

o) Actuaciones en la promoción de la igualdad entre hombres y mujeres así como contra la violencia de género.”

Así mesmo no artigo 27.3 da Lei 7/1985, do 2 de abril, reguladora das Bases de Réxime Local, modificado pola Lei 27/2013, de 27 de decembro, de racionalización e sostenibilidade da Administración Local (BOE numero 312, do luns 30 de decembro de 2013), o cal establece que a Administración do Estado e as Comunidades Autónomas poderán delegar, seguindo criterios homoxéneos, entre outras, as seguintes competencias:c) Prestación dos servizos sociais, promoción da igualdade de oportunidades e a prevención da violencia contra a muller.

III.- Que a entidade **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA** no exercicio da súa capacidade e competencia, conforme aos seus estatutos, presenta un proxecto relativo a realización da actividade **XXVIII FEIRA DE PRODUTOS DO CAMPO E ARTESANÍA**. Que a data de celebración é do 23 ao 25 de maio e 2025, na Praza da Milagrosa (Lugo), en horario de 10:00 a 23:00 horas. A Feira asisten contorna a 40 expositores (con stands e casetas dos produtores), maioritariamente da provincia de Lugo e tamén doutras zonas de Galicia. Para a organización e realización da Feira se estiman gastos nos seguintes conceptos: edición do libro do programa da Feira, menaxe refugable, seguro de responsabilidade civil, cartelería, actuacións folclóricas, compra de produtos do barrio para degustación cos veciño gastos de uso de local exyerno (100 persoas sentadas en cadeiras) e adquisición de carpas para colocación de stands..

IV.- Que o Concello ten entre os seus obxectivos o fomento da realización de actividades de utilidade pública, de interese social e promover a consecución de fins de interese públicos. Que o obxectivo específico e final desta subvención é a realización dunha Feira de produtos do campo e artesanía, que ofrece aos artesáns un escaparate para mostrar os seus produtos, o que contribúe á economía local e fomenta o emprendemento na zona. Ademáis, a Feira pode atraer turistas ou visitantes doutras zonas, o que beneficiará ao comercio e servizos locais. A implicación da asociación de veciños na organización da feira mostra o interese da comunidade local en crear eventos que fortalezcan a súa identidade. O apoio ao proxecto resalta o compromiso social e a implicación dos cidadáns no seu propio desenvolvemento

Por todo o exposto, as partes comparecentes, na representación que ostentan,

ACORDAN

Subscribir un convenio de colaboración para o financiamento parcial do proxecto "realización da XXVIII FEIRA DE PRODUTOS DO CAMPO E ARTESANÍA",

Con suxeición ás seguintes

CLÁUSULAS

PRIMEIRA.-Obxecto

O presente convenio, ten por obxecto a concesión dunha subvención por parte do Concello de Lugo para o financiamento parcial do proxecto "realización da actividade XXVIII FEIRA DE PRODUTOS DO CAMPO E ARTESANÍA", por entender que estas actividades complementan as atribuídas ao Concello na lexislación básica do Estado de réxime local (artigos. 25, 26 e 27 da Lei 7/1985, de 2 de abril, Reguladora das Bases de Réxime Local). Para a organización e realización da Feira se estiman gastos nos seguintes conceptos:

DESENVOLVEMENTO LOCAL

IVC/ccm

Refº: DECRETO

Asunto: SUBVENCIÓN NOMINATIVA - **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA** (Feira de produtos do campo e artesanía)-

- edición do libro do programa da Feira..... (2.202,20 euros)
- menaxe refugable(525,00 euros)
- cartelería..... (400,00 euros)
- compra de produtos do barrio para degustación veciños..... (700,00 euros)
- actuación folclórica..... (400,00 euros)
- seguro responsabilidade civil do evento..... (150,00 euros)
- uso local externo (100 persoas sentadas en cadeiras)..... (250,00 euros)
- adquisición de carpas para colocación de stands..... (1.308,00 euros).

Total gastos: 5.935,20 euros

SEGUNDA.- Compromisos das partes

O Concello de Lugo comprométese a:

- **Achegar a cantidade de 2.000€** para o financiamento parcial das actividades obxecto deste convenio (concretamente para os custos derivados da Edición do Libro do Programa da Feira).

A entidade **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA** comprométese a :

- Achegar a cantidade de 1.510,20 euros (tendo en conta que outros 2.425 euros son achegados pola Excm. Deputación Provincial de Lugo, sobre o importe total de 5.935,20 euros que custa a actividade).
- Realizar a actividade: proxecto "realización da actividade XXVIII FEIRA DE PRODUTOS DO CAMPO E ARTESANÍA", na que o Concello figurará como colaborador.
- Lucir o logotipo do Concello de Lugo nas actuacións que se desenvolvan ao abeiro deste convenio.
- Incorporar a lingua galega nas súas comunicacións de carácter escrito (páxinas Webs, comunicados de prensa e demais publicacións).
- Cumprir as obrigas establecidas no artigo 11 da Ordenanza Xeral Municipal de Subvencións.
- Segundo acordo plenario número 9/124 do 30 de xuño de 2016 condiciónase a concesión da subvención á non utilización da imaxe da muller como reclamo e con connotacións de tipo sexual ou a denigración da súa imaxe.

- *Conforme ao acordo Plenario 7/7, do día 25 de xaneiro de 2018, para o cumprimento da Lei 19/2013, de transparencia, acceso á información pública e bo goberno, as entidades que perciban cando menos o 40% do total dos seus ingresos anuais que teñan carácter de axuda ou subvención pública e acaden como mínimo a contía de 5.000€, deberán publicar a información relativa ás subvencións e axudas públicas concedidas conforme ao establecido na antedita normativa.*
- *Colaborar co Concello de Lugo en todo aquilo que fora requirido co obxecto último de lograr o fin do presente convenio.*
- *Cumprir coas obrigas de difusión contidas na Lei Xeral de Subvencións.*

TERCEIRA.- Crédito orzamentario

Para a realización das actuacións sinaladas na cláusula anterior o Concello de Lugo achegará do orzamento municipal para o ano 2025 a cantidade de 2.000€ con cargo á aplicación orzamentaria 24100.48900 (Desenvolvemento Local).

CUARTA.- Gastos subvencionables e prazo de realización.

Consideraranse gastos subvencionables os que respondan de maneira indubidable á natureza da actividade subvencionada e sexan estrictamente necesarios para a consecución da finalidade perseguida, realizados dentro do período de vixencia do convenio e en todo caso dentro do ano natural.

O prazo de realización para a realización da actividade ou proxecto será dende o 01.01.25 ó 31.12.25.

Serán gastos subvencionables os aboados dentro deste prazo e excepcionalmente poderán aceptarse como subvencionables aqueles gastos que non cumpriran co anterior, pero que figuren como aboados no momento de remate do prazo de xustificación. O custo de adquisición dos gastos subvencionables en ningún caso poderá ser superior ao valor do mercado.

Serán admitidos como gastos subvencionables os derivados da realización do proxecto ou actividade concreta subvencionada de acordo coa documentación achegada e calquera outro gasto relacionado co obxecto estrito da subvención.

Serán admisibles as lóxicas subcontratacións para a realización das actividades que se desenvolvan ao longo do ano no que se realiza o proxecto ata a totalidade do custo da actividade subvencionada, todo isto tendo en conta o sinalado no artigo 29 da Lei Xeral de Subvencións. Cando o importe do gasto subvencionable supere as contías establecidas na normativa de contratos do sector público para o contrato menor, a entidade beneficiaria deberá solicitar como mínimo tres ofertas de diferentes provedores, debendo acreditar tal extremo no intre de xustificar a

DESENVOLVEMENTO LOCAL

IVC/ccm

Refº: DECRETO

Asunto: SUBVENCIÓN NOMINATIVA - **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA** (Feira de produtos do campo e artesanía)-

subvención. A elección entre as ofertas presentadas deberá realizarse conforme a criterios de eficiencia e economía, debendo xustificarse expresamente nunha memoria a elección cando a mesma non recaia na proposta económica máis vantaxosa.

Con carácter xeral, a suma do conxunto das axudas solicitadas e/ou concedidas para o obxecto do convenio non poderá superar o 90% do custo da actividade a desenvolver. No caso de ter concedidas subvencións ou axudas doutras entidades públicas ou privadas para a mesma actividade as persoas beneficiarias deberán xustificar como mínimo un importe igual ou superior á totalidade das axudas concedidas, ademais do 10% que deberá asumir con medios propios a entidade beneficiaria. Non se poderá solicitar subvención por un importe superior ao 90% do custo total da acción para a que se solicita a subvención, segundo o orzamento presentado, xa que o 10 % restante é de obrigada asunción pola entidade, e non pode ser subvencionado por parte doutras entidades públicas ou privadas, nacionais ou estranxeiras.

QUINTA- Pagamento da subvención. Pago anticipado.

Da cordo co previsto no art. 17.3 k) e art. 34.4 da Lei Xeral de Subvencións e os art. 88.2, e 42 e 43 do Regulamento da Lei Xeral de Subvencións, **prevese un pagamento anticipado do 50% do importe da subvención, en concepto de entrega de fondos con carácter previo á xustificación, que se tramitará no momento da sinatura do convenio por ambas partes sen necesidade de solicitude previa por parte da entidade beneficiaria e con dispensa de garantía.**

En ningún caso poderán realizarse pagos anticipados a beneficiarios cando, fose solicitada a declaración de concurso voluntario, fosen declarados insolventes en calquera procedemento, fosen declarados en concurso, salvo que neste adquirira a eficacia dun convenio, estean suxeitos a intervención xudicial ou fosen inhabilitados conforme ao Real Decreto Lexislativo 1/2020, do 5 de maio polo que se aproba o Texto Refundido da Lei Concursal, sen que concluíra o período de inhabilitación fixado na sentenza de cualificación do concurso.

Tampouco poderá facerse o pago anticipado no suposto de que a entidade beneficiaria non se atope ao corrente nas obrigas tributarias xa sexan estatais, autonómicas ou locais e fronte a seguridade social ou ben sexa debedor por resolución de procedencia de reintegro.

No suposto de non executar ou non xustificar a totalidade da cantidade aboada en concepto de anticipo, presentarase documentación xustificativa do reintegro da parte non executada ou non xustificada. De non cumprirse con esta obriga, procederá o reintegro da cantidade percibida e non executada e con esixencia dos xuros de mora correspondentes dende o momento do pagamento da achega ata a data na que se acorde a procedencia do reintegro.

O pagamento polo importe restante tramitarase unha vez que a entidade presente a documentación xustificativa esixida finalizada a data límite de xustificación e tralos correspondentes trámites oportunos.

SEXTA. -Xustificación da subvención

*Concedida a subvención, e para proceder ao cobro da totalidade do importe, a entidade beneficiaria deberán presentar, a documentación acreditativa da realización do antedito programa, a dita documentación presentaranse, consonte o disposto no artigo 14.2 da Lei 39/2015, do 1 de outubro, da Lei de Procedemento Administrativo Común das Administracións Públicas, **por medios electrónicos**, ben a través da sede electrónica (www.lugo.gal) ou a través de calquera dos rexistros electrónicos das administracións públicas segundo establece o art.16.4a) do mesmo texto legal.*

En todos os xustificantes de pago presentados deberá quedar acreditado que dito pago foi realizado pola Entidade subvencionada entre o 1 de xaneiro ao 31 de decembro de 2025, excepcionalmente, por causas da data de devindicación, poderán aceptarse como subvencionables aqueles gastos que non cumpriran co anterior pero que figuren como aboados no momento de remate do prazo de xustificación.

As xustificacións deberán ir acompañadas da seguinte documentación:

*a) Memoria explicativa e detallada da realización do proxecto, coa expresa mención dos resultados obtidos (**imprescindible relación de gastos e ingresos**), **así como relación de todos os gastos relativos á actividade subvencionada, con identificación do acredor, concepto, importe, data de emisión, e data de pagamento.***

Deberá acompañar, se é o caso, exemplar de cada un dos folletos, carteis, libros, fotos, etc. que se editasen ou publicasen co gallo da actividade subvencionada, nos cales deberá constar a difusión do carácter público do financiamento do programa.

b) Facturas e demais documentos de valor probatorio de conformidade co Regulamento do Control Interno do Sector Público do Excmo. Concello de Lugo e R.D 1619/2012, do 30 de novembro.

As facturas deberán conter un detalle dos artigos subministrados, servizos prestados incluíndo os prezos o detalle.

*Deberá acreditarse o pagamento da totalidade dos gastos presentados mediante xustificante bancario ou outros medios de pago establecidos segundo lexislación vixente, en todo caso mediante transferencia bancaria cando o importe sexa igual ou superior a 1.000 euros segundo o **disposto no artigo 18 da Lei 11/2021, de 9 de xullo, de Medidas de Prevención e Loita contra o Fraude Fiscal, que establece que: "Non poderán pagarse en efectivo as operacións, nas que***

DESENVOLVEMENTO LOCAL

IVC/ccm

Refº: DECRETO

Asunto: SUBVENCIÓN NOMINATIVA - **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA** (Feira de produtos do campo e artesanía)-

algunha das partes intervinientes actúe en calidade de empresario ou profesional, con un importe igual ou superior a 1.000 euros ou o seu contravalor en moeda estranxeira".

Deberá acreditarse o pagamento da totalidade das facturas mediante os seguintes medios:

1. *Resgardo do banco da orde de transferencia ou da notificación de domiciliación realizada ou extracto da conta corrente no que figure o cargo da transferencia realizada sellada pola entidade financeira.*
2. *Copia do cheque emitido a nome do proveedor que emite a factura.*
3. *Excepcionalmente, para importes inferiores a 300 euros e sempre que non se trate de gastos de persoal, recibo onde consten o termino "recibín en efectivo", o nome, DNI, sinatura e selo do cobrador; a identificación da factura á que corresponde e a súa data e a data de cobro.*

No caso de recibos a nomes de persoas ou outros documentos de valor probatorio deberán vir acompañados da acreditación documental dos preceptos, das cantidades e dos servizos ou traballos realizados, igualmente deberán acompañarse de ser posible das actas, publicacións ou similares xustificativas das cantidades satisfeitas e preceptores das mesmas. Estas contías que en todo caso non deberán superar os 300 euros, deberán acreditar a práctica da retención do IRPF que resulte procedente, salvo que xustificadamente se acredite a súa innecesariedade, deberá acreditarse a normativa aplicable no seu caso. Admitiranse os "tiques de caixa" para importes inferiores a 50 euros.

4. *Documento acreditativo do pagamento con tarxeta, que deberá de ser de débito e estar obrigatoriamente a nome da entidade, e non de calquera persoa física, integrante ou non da mesma. A ditos efectos deberá achegarse o correspondente certificado acreditativo da titularidade.*

5. *No caso de presentar gastos en moeda estranxeira, presentarase un certificado bancario no que conste o cambio a euros na data do gasto .*

c) O cumprimento das obrigas tributarias e coa Seguridade Social acreditarase mediante a presentación das correspondentes certificacións. A presentación de declaración responsable poderá substituír á presentación das correspondentes certificacións no caso de que a contía para outorgar a cada entidade beneficiaria non supere na convocatoria o importe de 3.000 euros. A sinatura do convenio

comportará a autorización ao órgano xestor para solicitar as certificacións de non débedas tributarias co Concello de Lugo.

d) No caso de solicitar e/ou recibir outras Subvencións ou axudas por parte doutras Administracións ou Entidades, públicas ou privadas, nacionais ou estranxeiras, para o financiamento da **mesma** finalidade da actividade que se subvenciona, **copia da relación de gastos presentada na Entidade correspondente (con xustificante de presentación)** que acredite os gastos que foron presentados para a xustificación das mesmas. Se no momento da presentación da xustificación desta subvención non é posible a achega de dita relación, deberase presentar Certificación expedida polo Secretario da Entidade coa relación de gastos a presentar ante os outros axentes financiadores.

e) Declaración responsable, acreditativa de:

- Das subvencións ou axudas recibidas para o mesmo proxecto desta ou doutras administracións públicas ou entidades públicas ou privadas, nacionais ou estranxeiras.

- Que a realización da actividade, proxecto, obxectivo, programa ou a adopción do comportamento para a que se concede a subvención se efectuou nos termos establecidos no proxecto presentado e orzamentado no seu día.

- Que as facturas que se presentan coa finalidade de xustificar o gasto:

- . Non foron nin serán presentadas –na porcentaxe subvencionada polo Concello de Lugo- como xustificación de ningunha outra subvención pública ou privada.

- . Non inclúen impostos indirectos susceptibles de recuperación ou compensación.

- . Conteñen gastos que xa foron aboados á persoa e/ou entidade debedora.

- Que o persoal que desenvolve as súas funcións nesta asociación non ten relación laboral ningunha co Concello de Lugo.

f) So se admitirán documentos en formato jpg aqueles que a Entidade considere convenientes para completar a documentación, como carteis ou similares.

SÉTIMA.- Data límite para xustificar

A data límite para xustificar a totalidade da subvención será a do 31 de xaneiro de 2026.

Transcorrido este prazo, pódense dar dous supostos:

a) Que a entidade beneficiaria presente a xustificación; pero que esta, a xuízo da oficina xestora, non reúna os requisitos necesarios. Este aspecto comunicaráselle e concederáselle un prazo de dez días para cumprilo, advertíndolle

DESENVOLVEMENTO LOCAL

IVC/ccm

Refª: DECRETO

Asunto: SUBVENCIÓN NOMINATIVA - **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA (Feira de produtos do campo e artesanía)-**

de que de non proceder á subsanación teráselle por desistido da súa solicitude, e entenderase que perde o dereito ao cobro da subvención.

b) Que a entidade beneficiaria non presente a xustificación. Neste suposto requiriráselle para que, no prazo improrrogable de 15 días, presente a dita xustificación conforme o establecido no artigo 70. 3 do Real decreto 887/2006, do 21 de xullo, polo que se aproba o Regulamento da Lei de subvencións. A presentación da xustificación no prazo adicional non eximirá á entidade beneficiaria da imposición das sancións que correspondan.

De non ter xustificado o importe necesario a efectos do cobramento íntegro da subvención ou non aceptarse a totalidade dos gastos coma gasto subvencionable minorarase o importe a percibir nas contías non xustificadas, se ben entenderase non cumprida a finalidade subvencionada, coa perda do dereito ao cobramento da subvención cando o importe xustificado non acade o 50% do importe concedido, sen prexuízo das sancións que procederan, no seu caso, de acordo a normativa reguladora das subvencións públicas.

No suposto de non executar ou non xustificar a totalidade da cantidade aboada en concepto de anticipo, procederá o reintegro da cantidade percibida e non executada e con esixencia dos xuros de mora correspondentes dende o momento do pagamento da achega ata a data na que se acorde a procedencia do reintegro.

OITAVA.- Réxime de infraccións e sancións

1.-Constitúen infraccións administrativas en materia de subvencións as accións e omisións tipificadas na Lei 38/2003 do 17 de novembro xeral de subvencións, e serán sancionables incluso a título de simple negligencia.

2.-As infraccións cometidas en materia das subvencións obxecto desta convocatoria sancionarase mediante a imposición das sancións previstas na dita Lei 38/2003.

3.- O procedemento sancionador axustarase ao previsto no Título IV de dita Lei 38/2003.

4.-A presentación fóra de prazo da xustificación, considerarase unha infracción leve, de conformidade co establecido nos artigos 52 a 69 da Lei 38/2003, de 17 de novembro, Xeral de Subvencións. A ditos efectos, previa tramitación do expediente oportuno, impondrán as seguintes sancións:

- 10% do importe da subvención concedida, ata un máximo de 450 €, no caso de que se presente a xustificación fóra de prazo, con anterioridade a efectuar o requirimento adicional da xustificación.*

- 20% do importe da subvención concedida ata un máximo de 900 €, no caso de que se presente a xustificación no prazo concedido no requirimento adicional.

NOVENA.- Duración do convenio

A duración do presente convenio será dende a data da súa sinatura ata o 31 de xaneiro de 2026, sen posibilidade de prórroga, sen prexuízo dos prazos posteriores nos que se deba facer balance do convenio asinado, ou aquelas outras cuestións que pola súa natureza requiran un prazo superior.

Non obstante, aos seus efectos económicos retrotráense ao 1 xaneiro de 2025.

DÉCIMA.-Modificación do Convenio

Toda alteración das condicións tidas en conta para a concesión desta axuda e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da contía da axuda contemplada no presente convenio.

Non cabe a modificación do convenio que implique alteración das obrigas esenciais asumidas polas partes. Calquera outra se adoptará, en todo caso, por mutuo acordo das partes e reflectirase na correspondente adenda.

Non entanto, o anterior, se circunstancias sobrevidas non previstas inicialmente levasen a necesidade de acordar unha modificación substancial do convenio, requirirá da tramitación do correspondente expediente administrativo, debendo reunir os mesmos requisitos esixidos na tramitación do expediente inicial, sen que poida prexudicar os dereitos de terceiros recoñecidos con anterioridade á modificación.

DÉCIMO PRIMEIRA.- Comisión do seguimento

Constitúese unha comisión mixta de seguimento, control e avaliación á que serán sometidas tódalas cuestións derivadas do desenvolvemento deste convenio, así como a resolución de cantas dúbidas poidan xurdir sobre o mesmo.

Esta comisión estará composta en representación do Concello de Lugo polo Concelleiro Delegado da área interesada, que poderá delegar no funcionario da mesma unidade que estime oportuno, e pola outra parte, polo seu representante legal ou persoa da entidade na que delegue.

A comisión terá as seguintes funcións:

DESENVOLVEMENTO LOCAL

IVC/ccm

Refº: DECRETO

Asunto: SUBVENCIÓN NOMINATIVA - **ASOCIACIÓN DE VECIÑOS, COMERCIANTES E INDUSTRIAIS DISTRITO DA MILAGROSA** (Feira de produtos do campo e artesanía)-

- 1.-Facer o seguimento e control do cumprimento do convenio.
- 2.-Interpretar e resolver as dúbidas, que poidan suscitar na aplicación do convenio.

DÉCIMO SEGUNDA.- Causas de resolución

Serán causas de resolución deste convenio:

- O incumprimento de calquera das cláusulas establecidas no mesmo.
- A aplicación dos fondos outorgados no convenio para fins distintos dos que motivaron a súa concesión.
- A falta de xustificación do emprego das cantidades recibidas.

DÉCIMO TERCEIRA.- Control financeiro da subvención

As entidades beneficiarias deberán conservar durante os catro anos seguintes ao de xustificación da subvencións os documentos xustificativos da aplicación dos fondos, libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao persoa beneficiaria en cada caso co obxecto de facilitar as actuacións de comprobación e control que no exercicio do control financeiro e segundo a planificación acordados pola Intervención xeral municipal se decida levar a cabo, no seu caso. A tal efecto as entidades beneficiarias someterase ás actuacións de comprobación que a Intervención xeral decida realizar.

DÉCIMO CUARTA.- Réxime xurídico

O presente convenio ten carácter administrativo de acordo co disposto no artigo 47 da Lei 40/2015, de 1 de outubro, do Réxime xurídico do Sector Público e o artigo 111 do Real Decreto Lexislativo 781/1986, de 18 de abril, polo que se aproba o texto refundido de disposicións legais vixentes en materia de réxime local, e demais normativa de aplicación, someténdose á aplicación da Lei 38/2003, de 17 de novembro, xeral de subvencións, á Lei 9/2007, de 13 de xuño, de subvencións de Galicia, ao disposto na Ordenanza xeral de Subvencións do Concello de Lugo e no Regulamento de Control Interno do Sector Público de Lugo.

As lagoas ou diverxencias que puideran apreciarse na aplicación do presente convenio interpretaranse e resolveranse motivadamente polo Concello de Lugo, previo dictame non vinculante da comisión á que fai referencia a cláusula novena; contra estas resolucións e polo carácter administrativo deste convenio, poderase interpoñer recurso ante a xurisdicción contencioso-administrativa.

TERCEIRO.- Unha vez aprobado o Convenio regulador da subvención deberá publicarse a resolución, de conformidade co establecido no artigo 8 da Ordenanza

xeral municipal reguladora da concesión de subvencións e o contemplado no Título II da lei 19/2013 de 9 de decembro, de transparencia, acceso á información pública e bo goberno. Ademais o Concello deberá facilitar a información procedente á Base de Datos Nacional de Subvencións (BDNS), conforme ao disposto no artigo 18.2 da lei 38/2003, do 17 de novembro, xeral de subvencións.

CUARTO.- Notifíquese a presente resolución ás partes interesadas coa indicación de que esta pon fin á vía administrativa, e de que contra ela poden interpoñer-se os seguintes recursos: Contencioso-administrativo, ante o xulgado do Contencioso-administrativo de Lugo (artigo 8 da Lei 29/1988 do 13 de xullo) nun prazo de DOUS MESES, contados a partir do día seguinte ó da notificación do presente acto, o cal pon fin á vía administrativa (artigo 46 da Lei 29/1988, do 13 de xullo). Non obstante o anterior, e con carácter previo, contra a presente resolución poderá interpoñer: O recurso potestativo de reposición previsto no artigo 116 da Lei 30/1992 do 26 de novembro no prazo DUN MES, contado dende o día seguinte ó da notificación do presente acto. Sen prexuízo de que poida vostede interpoñer calquera outro recurso ou reclamación que estime conveniente ó seu dereito.

Cúmprase